

摘藻堂四庫全書薈要

集部

欽定四庫全書薈要

聖祖仁皇帝御製文第二集卷四十八目錄

古今體詩四十首

再度居庸關

雪霽駐蹕大同府

過馬邑望鴈門關

途間紀事

并序

保德州渡黃河

出塞

并序

橫城堡渡黃河

抵寧夏

望賀蘭山

自寧夏出塞濱河行至白塔乘舟順流而下抵

湖灘河朔作

黃河舟行即事

噶爾丹平後示諸臣

晚眺

凱旋言懷

懷來示皇太子

入居庸關

清河觀

皇太后慈顏

近郊

曉望二首

諸皇子來迎示之

見迎駕者

過密雲作

出古北口

口外設屯耕植聚落漸成

經喀爾沁

口外中秋

行圍教漢柰曼查魯忒諸部落

塞外偶述

至廓爾沁部落與衆蒙古宴

秋暮

入烏喇境

松花江網魚最多頒賜從臣

泛松花江

閱窩集

并序

駐蹕烏喇之船廠憶壬戌春夏巡行此地每五

日一奏請

聖祖母太皇太后安今不可得矣書志慨慕

烏喇山嶼間古木灌莽澤潦徧野即黃龍府之
地也今人未暇詳攷賦詩二首

行圍所經灰發葉赫哈達諸地皆我

祖

宗之所開并遺跡存焉賦詩二首

欽定四庫全書薈要卷一萬三千七十六

集部

聖祖仁皇帝御製文第二集卷四十八

古今體詩四十首

再度居庸關

草木未甲坼年光屬早春
三番勞遠馭一舉本勤民
峽暖泉聲動風和鳥噪新
會看歌凱入景物盡還淳

雪霽駐蹕大同府

驟飄春雪灑驚沙
重向雲中過翠華
轉盼遐區征調息

期將習俗尚桑麻

過馬邑望鴈門關

南指重山望鴈門
蒼然嵐氣結朝昏
當春田土皆耕耨
阡陌繚繚古塞原

途間紀事

并序

先是前驅之人言
明日駐李家溝僅
一井未足扈從人
騎之需豫貯水三
百甕尚虞有缺是
日朕行至中途見
有一水自三岔堡
流來一水自韓家
樓流出橫

築一隄以壅之召詢土人云此河久涸三日前河水
忽至有司恐漫衍官道故築此堰朕登高覽觀揆度
地勢若決此堰河水可至李家溝因命侍衛率人疏
濬不兩時河水洋溢流至營外深三四尺人騎汲飲
有餘莫不欣悅向貯之水皆不用昔聞有行師山谷
間靈泉湧出心未之信頃萬人目覩咸以為異朕之
涼德何當天祐耶因紀其事

昔聞靈貺說今見異河來潞曲經山谷汪洋歷澗隈安

營流漸下決堰勢初迴馬飲無須窟人嘗止用杯村荒
咸得潤夜靜響同雷詎但霑行帳還能沃土垓仰邀天
顧重頓使地形開七校多欣悅何勞渴指梅

保德州渡黃河

入塞河聲壯朝宗勢拱環劃疆分晉野隔岸是秦山城
郭巔崖裏旌旄浩渺間橫流渡舟楫前路指蕭關

出塞

并序

沿邊山行岡嶺崎嶇黃沙彌望因自榆林鎮取道塞

外沙淺途平水草咸便且十二日之程減半得達安
邊堡書以記之

森森萬騎歷駝城

榆林鎮一
名駝城

沙塞風清磧路平冰泮長

河堪飲馬月來大野照移營郵籤紀地旬餘驛羽轡行
邊六日程天下一家無內外烽銷堠罷不論兵

橫城堡渡黃河

歷盡邊山再渡河沙平岸濶水無波湯湯南去勞疏築

惟此分渠利賴多

黃河至處多足為患惟寧
夏開渠種田資以為利

抵寧夏

面水依山古朔方
巡行葆羽下巖疆
戍樓雖設無傳警
甲士皆精力挽強
實政安人遵道德
霸圖拓宇說金湯
當年統萬真誇誕

寧夏城相傳為赫連勃勃所築取統一天下而臨萬方之意可謂妄矣

何似於今控制長

望賀蘭山

截葉排霄聳處雄
馬頭蒼駁望難窮
遙遮洮隴縣秦塞
迅埽埃氛薄漢功
氣雜雲煙疑結陣
勢迴龍虎狀盤空

金戈夜火長征地盡屬西陲界域中

自寧夏出塞濱河行至白塔乘舟順流而下抵湖

灘河朔作

黃河之源難可窮滔滔來自遐荒中既入洮蘭復西出
飛濤浩瀚聲淙淙來從邊山遠跋涉遣師輓餉兼採風
迴鑾欲假順流便特乘艇艦浮奔洪濤洄大野勢幾曲
沙岸頽突還龍旋亂柳排生枝榦密中有巨鹿藏榛叢
遙山轉轉行莫盡忽前俄後迷西東有時塞雲催急雨

晚天霽色橫長虹旌門月上夜皎潔水光直與銀漢通
放櫂百里只瞬息迅於走坂馳駿驄中宵望見旄頭落
幕北已奏煙塵空

四月十四日夜奏報噶爾丹窮蹙自盡其下悉平

茲行永得

息兵革豈惜曉暮勞予躬長河縣延古鮮歷巡閱乃與
區域同自此寰海樂清晏熙恬萬國咸亨豐

黃河舟行即事

五月山巔雪四時不見花臨流皆險浪步岸是叢葭心
為萬年計身離百日家鄧支函首至從此靖龍沙

噶爾丹平後示諸臣

莅寓心無倦寧人慮每周
一從沙漠擾時厯深宮憂日
旰食始進未明衣先求或云
小醜徒廟堂何須籌或云
自往代茲類難鋤耰念我

祖宗基不與古昔侔沿邊諸
外藩奉職如列侯一一効
驅策非徒貢賁修顧此豺狼
種狂逞匿林丘侵欺我屬
國潛入我遐陬設竟置罔聞
何以示綏柔因之違羣議
秉鉞麾貔貅扼塞伏偏師兼
程裹糧餽事無巨與細皆

為先綢繆五月入不毛破賊瀚海頭遁免僅及身資帳
咸躡蹂秋冬再臨邊寒風透重裘方春更遠陟秦晉歷
邑州乞降多詭詞其意本夷猶孽子已成俘族黨紛奔
投未能悔厥心尚思延蜂螭分道命禁旅夏肅氣如秋
頓爾膺天誅無庸施戈矛幕南與幕北圖輿萬里收華
山可歸馬桃林宜放牛息兵培元氣黎庶永安休于野
樂稼穡于朝獻訐謀交泰賴臣工長與蒙天庥

晚眺

軍門延夕眺雲氣澹遙天古塞千峰月平沙萬幕煙旌
旗寒色壯刀斗晚風傳衅甲從今始功成靖朔邊

凱旋言懷

黃輿奠四極海外皆來臣眷言漠北地荒荒皆吾人六
載不遑息三度勤征輪邊析自此靜亭堠無煙塵兵革
方既偃風教期還淳興庶遵昔軌崇文育羣倫所用惟
才俊非僅榮簪紳爾俸與爾祿脂膏出細民永念固邦
本不愧王國賓

懷來示皇太子

春初夙駕回當暑探盡黃流岸曲紆只為牧寧籌遠馭
不辭煩苦歷征途

入居庸關

始和羽騎出重關風動南薰整旆還凱奏捷書傳朔塞
歡聲喜氣滿人寰懸崖壁立垣墉固古峽泉流晝夜間
須識成城惟衆志稱雄不獨峙羣山

清河觀

皇太后慈顏

遐方異域絕纖塵奉贄來朝悉我臣今日承歡尤色喜
慈闈悅豫為生民

近郊

鑾輿還旆近郊垌自此邊方賀永寧匝歲歸程當夏月
又逢禾黍雨中青

曉望

喜看西北靜煙氛飲至歸來息我軍向曉馬頭遙指處

日光擁出萬重雲

又

郊圻漸近快時晴
四望關山曉氣清
邊徼往來非得已
驅除總為計生成

諸皇子來迎示之

行盡龍荒到鳳城
三迴寒暑事長征
只須勤儉思無逸
說與艱難遠道情

見迎駕者

疊鼓鳴鐃列旆旌鵷行鷺序續編氓依依馬首蒿呼處
念此歡迎赤子情

過密雲作

秋氣驅殘暑青林墮葉稀馬嘶涼籟動蟬噪夕陽微河
繞遙通塞山迴盡拱畿黍苗膏雨足歲事念民依

出古北口

年年秋猶此經過峭石天成險隘多沙漠名王皆屬國
但留形勝壯山河

口外設屯耕植聚落漸成

沿邊曠地多棄置良非策年來設屯聚教以分阡陌春
夏耕耨勤秋冬有畜積霜濃早收黍暄遲晚刈麥土固
有肥磽人力變荒瘠山下出流泉屋後樹豚柵行之無
倦弛定能增戶籍古來王者治恐亦無以易

經喀爾沁

古木蒼山路不窮霜林颯沓響秋風臨流駐蹕歸營晚
坐看旌門落照紅

口外中秋

荒塞天低夜有霜
一輪明月照蒼涼
不貪玉宇瓊樓看
獨在遐陬理外疆

行圍教漢柰曼查魯忒諸部落

農暇巡侯甸
揚旌歷遠途
軍容陳七萃
武事講三驅
永罷防秋戍
咸為首路趨
晚來圍獵罷
羽衛集平蕪

塞外偶述

曉霧迷前嶺
蒙茸露未晞
林中呼鹿罷
山下射熊歸
水

繞周廬曲原高衆幕圍時平疆域遠萬里盡庭扉
至廓爾沁部落與衆蒙古宴

大野支黃幄長筵藉軟莎恩膏宣塞下部落列山阿
酒沾人醉推牛饗衆多提攜偕婦穉千帳動歡歌

秋暮

落葉催寒早山山草徧枯雪晴麋得食風急鴈銜蘆
松古紛披出林深高下殊漫云沙塞地別自足饒腴

入烏喇境

蒼山岌業路縣延野燎荒原起夕煙幾點寒鴉宿枯樹
半灣流水傍行旂

松花江網魚最多頒賜從臣

松花江水深千尺桡拖移舟網親擲溜洄水急浪花翻
一手提網任所適須臾收處激潏波兩岸奔趨人絡繹
小魚沈網大魚躍紫鬣銀鱗萬千百更有巨尾壓船頭
載以牛車輪欲折水寒冰結味益佳遠笑江南誇魴鯽
徧令頒賜扈從臣幕下然薪遞烹炙天下才俊散四方

網羅咸使登巖廊爾等觸物思比託捕魚勿謂情之常
泛松花江

源分長白波流迅支合烏江水勢雄木落霜空天氣肅
旌麾過處映飛虹

閱窩集

并序

古松林數十里蔭翳無際非亭午夜分不見日月
松林黯黯百十里罕境偏為麋鹿遊雨雪飄蕭難到地
啼烏野草自春秋

駐蹕烏喇之船廠憶壬戌春夏巡行此地每五日

一奏請

聖祖母太皇太后安今不可得矣書志慨慕

曾問

慈寧草奏箋夜張銀燭大江邊重來往事俄追憶轉眼
光陰十七年

烏喇山嶼間古木灌莽澤潦徧野即黃龍府之地
也今人未暇詳攷

層岡翳蒼亂高低駿馬迎風不住嘶
磧裏草深行潦闊
遲回應惜錦障泥

二

路轉山環雜古柯
覆茅苫舍傍坡陀
疆隅湮沒遼金界
虎穴鷹巢處處多

行園所經灰發葉赫哈達諸地皆我

祖

宗之所開并遺跡存焉

鐵馬金戈百戰時
戎衣辛苦首開基
榻邊鼾睡聲先定
始布中原一著碁

二

垣墉遺址尚山坳
略地平城闢土茅
盪滌塵沙真不易
仰思遺烈駐雲旂

聖祖仁皇帝御製文第二集卷四十八

欽定四庫全書薈要

聖祖仁皇帝御製文第二集卷四十九目錄

古今體詩四十一首

興京

駐蹕奉天府

渡遼河

所過松山杏山大凌河皆

聖祖用武之地有述

入山海關

廣寧道中

永平駐蹕

豐潤即事

望海

歌蒸暑氣賦得漠漠水田飛白鷺

賜高士奇

示諸皇子

賦得雨去花光濕風歸葉影疎

出畿東觀秋成

萬樹叢中月一輪

詠林檎

用皇三子秋日郊行應制詩韻

八哥兒

潞河發舟

天津

德州

東昌道中

舟過濟寧

入江南境

經邳徐界上

雨

閱河

渡揚子江

金山寺月夜

巡歷江南示意

虎丘

閱河之便奉

皇太后臨幸武林是日喜晴

雲栖寺

西湖

湖心亭閒覽

宋臣蘇軾開湖溉田築隄瀦水杭民利之為政
者不當如是乎

鷺峰

雲林寺

菜畦

行宮雨中望吳山

閱浙江駐防將士射

欽定四庫全書薈要卷一萬三千七十七

集部

聖祖仁皇帝御製文第二集卷四十九

古今體詩四十一首

興京

靄靄興王地風雲莫可攀
滌洄千曲水盤疊百重山
瞻拜

陵園肅凝思大業艱
龍蔥松柏茂瑞鳥滿林間

駐蹕奉天府

四海為家日鳴鑾過舊京新豐安可竝若水事堪并城
市風猶古絃歌化漸行巍峨城闕在往歲幾經營

渡遼河

雪霽寒光已合冰雁行飛處曉天澄初冬欲盡歸程疾
回首煙光望

二陵

所過松山杏山大凌河皆

聖祖用武之地有述

松杏山頭野草黃朔風淒緊下前岡雲屯虎旅新行在
地著龍興舊戰場壁壘尋來餘氣色田疇耕處拾刀鎗
恢弘

聖緒存遺跡東海洋洋

祖德長

入山海關

長城盡處海山竒守險無勞百萬師寰宇蒼生歸歷數
當年指顧定鴻基

廣寧道中

漠漠寒雲色戍樓終日間饑烏號曉月路出十三山

永平駐蹕

颯颯風聲響畫旗灤河東岸獵歸時廟堂幾務親裁決
非是行帷寐獨遲

豐潤即事

去日披金露歸時動朔吹農家收穫罷就暖向朝曦

望海

天際無涯萬里餘風潮雲島接宸輿朝宗不棄能容物
惟有虛心對洛書

歆蒸暑氣賦得漠漠水田飛白鷺

日射湖光潏灩餘三庚修景未應除盈田秔稻將成實
滿隴禾苗更自如靜裏歆蒸不著意心中無事樂於書
黃鸝白鷺由他去恐誤分陰漸漸疎

賜高士奇

廿年載筆近螭頭心慕江湖難再留忽憶當時論左國

依稀又是十三秋

示諸皇子

勤儉守家法為仁勉四箴讀書須立體學問便從心
佻達愆非淺浮華罪漸深人皆知此道何必論古今

賦得雨去花光濕風歸葉影疎

晚蟬聲漸急白雁暫高飛月照湖光轉波連山色微
荷疎知氣肅花老覺時非不必愁秋冷宮人自有衣

出畿東觀秋成

陰霖連六月宵旰念民生微風收潦水過雨見秋成古
北龍旗近漁陽鳳輦行戍樓烽火息險豈藉長城

萬樹叢中月一輪

殘暑新開雨後時層巒密樹萬年枝扁舟歸去思還轉
小艇迴波意欲遲泛泛月明懸玉鏡輕輕浪影動玻瓈
冰盤酒讌同金谷簫鼓龍吟太液池

詠林檎

野果初來上苑東紫紅鮮品進離宮雖然不及羣珍味

也有微誠在此中

用皇三子秋日郊行應制詩韻

風高鳳閣秋萬物變清幽露冷凝僊掌雲寒聚嶺頭荷
疎起一雁蒲盡現羣鷗郊外西成好應知禾黍收

八哥兒

衆喜能言強欲言或籠或架繫高軒縱然欲憶林間樂
誰肯從容解覆盆

潞河發舟

青翰舟迎旭日升官河放溜始開冰巡行每為求民瘼
寧避春寒曉霧凝

天津

河柳絲絲變嫩黃海門遙望色微茫賈航商舶連樯至
貢賁時看集萬方

德州

長河絕流漸曉坐寒仍肅若使居深宮安知有冷燠

東昌道中

陌草稀疎綠未回
水村近午暖微催
萬人爭向船頭望
多是喁喁待澤來

舟過濟寧

濟水平分南北流
山桃花綻古墟頭
粼粼碧浪層層樹
便覺春風起櫂謳

入江南境

行盡兗東程乍入
江南路水潦切痾
瘵深心察其故

經邳徐界上

泗水通淮澤坡陀認馬陵經過懷十載戶口幾新增

雨

雲氣未肯開縣密清明雨繫纜古河湄為念夫徒苦

閱河

淮黃疏濬費經營跋涉三來不憚行幾處隄防親指畫
佇期耕稼樂功成

渡揚子江

曉霧風初豁揚帆縱綵舟危峰真屹立漩水急回流碧

轉沿江柳沙平遠嶼洲十年巡再至騁目睇神丘

金山寺月夜

江山春物已雍和萬里晴光月倍多重倚高樓觀海闊
浩然心境更如何

巡歷江南示意

財賦稱茲地時巡復此經春膏宜豆麥煙景徧林亭靡
麗風應換敦龐訓屢形施恩頻已責聊爾翠華停

虎丘

隨風畫檝到山塘
水市陰籠草木香
石不點頭誰說法
惟存澗響雜笙簧

閱河之便奉

皇太后臨幸武林是日喜晴

雄城千雉帶江湖
羽衛重臨氣象殊
九有承歡逢勝日
萬民擁戴滿亨衢
時當豐歲人咸樂
海不揚波澤遠濡
況是春陽布暄暖
無邊韶景溢輿區

雲栖寺

江路轉隈隩山行愜心賞古樹與茂竹翳蔽極深廣潺
潺細泉流萋萋芳草長其際春之暮天氣堪俯仰鳥性
鳴晴曦蜂蝶爭下上巡省歷窮谷所至察萬象小憩澗
壑幽澤貴被草莽

西湖

湖光開瀲灩臨幸及芳時淺翠堆山色輕香拂水湄彩
旂看自動畫鷁覺平移靜坐觀羣類資生得所宜

湖心亭閒覽

虛牖層闌挹翠微
春容澹沲送晴暉
澄波如鏡涵天影
魚鳥欣欣自息機

宋臣蘇軾開湖溉田築隄瀦水杭民利之為政者
不當如是乎

長隄十里跨湖波
官柳青青覆軟莎
漫道只為遊賞地
懸知布政在民和

鷺峰

何處飛來一塊石
嵌空巖竇作玲瓏
下臨巨澗淙淙冷

上陰長松謾謾風

雲林寺

無為幾事少問俗駐林丘衛騎森嚴滅爐煙覈鸛浮鳥
啼香界古花綴梵筵幽野徑春風引輕鋪細草柔

菜畦

東南農事已春深菜隴花開滿地金獨愛小民勤力作
馬頭堪慰省方心

行宮雨中望吳山

檻外青山縱目收
繁花初落葉新稠
更教點染煙雲色
添得牕前翠欲流

閱浙江駐防將士射

羽林舊將分防重
吳越名區古要疆
講武正宜清晏日
人人自擅技穿楊

聖祖仁皇帝御製文第二集卷四十九

欽定四庫全書薈要

聖祖仁皇帝御製文第二集卷五十目錄

古今體詩五十首

示江南浙江守土諸臣

再過鷺峰

登吳山

望錢塘江

虎跑泉

由淨慈寺經南屏諸山

孤山放鶴亭

玉泉有五色魚賜名清漣寺

西湖再作

浙省道上書懷

桑林乍綠蠶事方興詩以嘉之

曉發嘉興

花山

支硎山

回鑾復過惠山

舟行野望

駐蹕江寧偶述

修報恩寺塔初畢登之

過明太祖陵有感

月夜登燕子磯

江行

憶暢春園牡丹

金山雨望

山中晚霽

中泠泉

望焦山念已已曾登其上

念淮揚居民特留漕糧二十萬以濟之回鑾之

日復諄諭所司使布實惠

泛洪澤湖偶詠

漁舟夜泊

渡河北歸

宿遷

過八牖

仲子廟

途次端午

山左道中

望岱憶舊

闕里重修思欲一往以天氣日暑急奉

慈輿北歸未得瞻視紀詩八韻

見途中夏麥將熟志喜

北境

候兄裕親王

江南風雨阻回程二十天近京又是微旱五月

二十五日霖雨如注喜雨

賜峨嵋老僧

察永定河

巡子牙河建壩

盛夏晚偶成

七夕觀千葉蓮

暢春園觀稻時七月十一日也

詠桐老圖賜裕親王

為考試歎

禁園秋霽

欽定四庫全書薈要卷一萬三千七十八集部

聖祖仁皇帝御製文第二集卷五十

古今體詩五十首

示江南浙江守土諸臣

宇宙方清寧吏治尚端廉農使樂耕鑿民使適里閭大
寮總其要小吏毋苛纖紀綱不可弛隨時酌寬嚴為上
能自愛羣屬必畏鉗訟惟善得情操守時警砭勿恃才
妄作勿以媚自快務令比戶豐膏澤遠近霑朱轡與彤

騶萬姓所具瞻臧否道有碑防口難可箝不見廣厦材
聳榦從幽潛不見沖霄鶴飲啄本靜恬告誡示勉勗保
護茲庶黔

再過鷲峰

愛此清幽一徑深馬隨泉響入雲林蒼苔古洞何年鑿
脈脈韶光自賞心

登吳山

重經層巘暫停鑒天日晴和覽眺寬城市萬家煙火近

念茲莫遣有饑寒

望錢塘江

江流幾折勢灣環
指點遙岑是越山
南朔東西無一事
春風浩蕩奉慈顏

慈顏

虎跑泉

靈泉涌地寒侵骨
勝跡名高著虎跑
似恐被人頻汲取
一泓清迥出山坳

由淨慈寺經南屏諸山

紆曲南屏路欣隨步輦來

時奉
皇太后觀覽

鳥飛驚玉仗花

落點經臺邃閣聞松籟疎籬迸竹胎雙峰高不極更在白雲隈

孤山放鶴亭

處士人何在山前夕照來亭空不見鶴磴古尚留梅楊柳縈煙嫩棠梨過雨開今朝閒繫艇還自愛賢才

玉泉有五色魚賜名清漣寺

錦鱗游泳漾池紋
隱藻穿蘋暗作羣
濠濮會心原不遠
清連題額與傳聞

西湖再作

面面山容澹盈盈
水態清流文縈傑
閣波影蕩高城燕
舞知迎擢花低解
避旌乘春弘沛澤
隨地稔民情

浙省道上書懷

徧野農桑繞翠旌
畦邊童叟帶雲耕
江山盡是昇平日
寸晷難忘終始情

桑林乍綠蠶事方興詩以嘉之

彌望桑林吐葉垂枝嫩碧初勻竹舍正殷蠶務天工雨
露維均

曉發嘉興

數里城依水千門路向田菜塍無近遠桑岸互繇連土
沃勤為最年豐儉欲先雲開林野秀初日上行旃

花山

警蹕來初地青山鳥道深風生松澗合雲暗石苔侵靜

畫飛閒蝶餘春噪晚禽空留支遁跡物外託宸襟

支硎山

龍池東北古支硎石室寒泉句可聽

支遁詩云石室可
敲身寒泉濯濯手

想得雨餘懸瀑布飛流界破數峰青

回鑾復過惠山

是誰妙筆點巒容蘊藉迎人四五峰堪挹山泉烹雀蕊
併添新黛入甌濃

舟行野望

惠風萬頃下芳畦
遠水拖煙曉狀迷
河上草新纔覆地
林間花墮半沾泥
翩翩弱燕穿船入
宛轉芳鶯隔樹啼
若問撫闌端坐意
默思豐裕洽羣黎

駐蹕江寧偶述

雲覆輕陰雨淨塵
南巡又隔十經春
山河舊數陪京重
士庶今看沐化淳
古巷烏衣人已換
芳洲白鷺跡成陳
元元億萬咸安樂
教養休和屬大鈞

修報恩寺塔初畢登之

塔勢搖晨旭憑陵上九霄琉璃莊淨域金碧啓香寮地
俯三山近江環匹練遙隔牕雲霧起戶戶瑞煙飄

過明太祖陵有感

拔起英雄草昧間煌煌大業豈能刪玉魚金盃雖如故
煙霧低迷獨愴顏

月夜登燕子磯

石勢疑飛動江濤足下看天空皎月風定斂奔湍綠
樹燈光亂蒼厓夏夜寒經過覩形勝往往駐鳴鑾

江行

風帆來往亂江流
樓艫縱橫拍浪浮
只在艚工持柁穩
曾將為政喻操舟

憶暢春園牡丹

曉雨疎疎薄灑午
風習習輕吹忽
念暢春花事正當
萬朶開時

金山雨望

煙樹重重兩岸間
流雲著水水漫漫
江煙江樹無窮盡

不讓蓬瀛島上山

山中晚霽

返照開澄景餘霞作綺流夜深明月出隔岸見蘆洲

中泠泉

靜飲中泠水清寒味日新頓令超象外爽豁有天真

望焦山念已巳曾登其上

大江日夜波汪洋金山焦山兩相望金山樓閣蕩丹碧
焦山竹樹多鬱蒼境深流廣人罕至往年曾一登其岡

頃者放舟仍北渡壯哉滉漾雲低昂青巖翠壁幽且蒨
圖經名著傳焦先何時瘞鶴在山足遺銘剝蝕存華陽
山下有瘞鶴銘為華陽真逸撰止存六十餘字葭洲白鳥忽飛出江花冥冥江
草芳是日雨餘氣清淑夏首晴晝欣舒長倚艦四顧暢
襟抱好風豁達來天閭

念淮揚居民特留漕糧二十萬以濟之回鑾之日
復諄諭所司使布實惠

廣廈豈不樂何事駕飛艦意惟悉民隱遑問歷道途淮

揚皆巨郡地本號饒腴居人百萬家土狹濱衆湖禾麥
苟不登老幼日待舖恩意宜渥沛拯濟留天儲實惠布
州邑遠邇均有無諄諭嚴再三毋徒飽吏胥茅屋有起
色比戶充黍稌願茲瘠壤農晬晬躋唐虞

泛洪澤湖偶詠

積水空明浸太虛輕舸閒泛進徐徐菰蘆絕岸柴門小
終歲生涯業捕魚

漁舟夜泊

漁父不罹世中形
任意飄流夜泊汀
惟有長閒心靜處
何如名利係朝廷

渡河北歸

三吳問俗罷旋蹕
渡洪流微日籠華蓋
輕颺送御舟水
能安汎濫堤遣護
田疇自此民休息
紓予南顧憂

宿遷

行過江南水與山
柳舒花放鳥緡蠻
明朝重至邳徐路
鳳闕龍樓計日還

過八牖

宛轉河形一線通
瀦流疊石賴人功
天庾歲歲闌飛輓
全在隨時啓閉中

仲子廟

河口孤祠在千年
祀典存當階松半
偃繞碣蘚堪捫懷
古題新額遺風想
聖門行舟清晝永
岸草採芳蓀

途次端午

蕤賓逢夏律午日
俯澄流黃鳥林中
變新蒲岸外稠宮

筵傳綵糗僊酒泛丹榴遙憶蓬萊上垂楊陰御溝

山左道中

鳳船南巡往復歸夏禽拂水避雲旂川平桂擢何須舉
風正蒲帆疾似飛雞犬滿村人足食繭絲入市戶充衣
閑閑陌上晴曛好暇覽時光暢萬幾

望岱憶舊

青天竦峙翠雲濃端坐船頭眺岱宗憶上崇隆最高頂
非探芝檢效東封

闕里重修思欲一往以天氣日暑急奉

慈輿北歸未得瞻視紀詩八韻

廣殿丹青煥飛甍黼藻新思排僊馭往却奉

翠輿辰仰慕尼山側興懷泗水濱存心惟志道勉力事
依仁望斗知非遠升堂念每惇廡松應鬣長階檜益苔
皴過魯時逢夏歸帆罷問津迢迢曲阜路沿沂幾勞神
見途中夏麥將熟志喜

江潯淮壩道已周歸看東省麥盈疇雨滋膏潤苗多秀

早慶今年大有秋

北境

瞳瞳曙色上帆檣
野水波添滿路光
應是皇畿程日近
林風吹送棗花香

候兄裕親王

花萼樓前別已經
春夏餘平明挂錦纜
日暮傍樵漁吳越
當年景江湖各自如
留心民事重隔月信音疎

江南風雨阻回程
二十天近京又是微旱五月二

十五日霖雨如注喜雨

雨阻回鑾二十天近京又旱意懸懸若能南北皆無慮
惟賴青蒼大有年

賜峨嵋老僧

名山越徧未到天涯欲得真印勤修離家雷音雖拜那
見拈花知此無益再遊中華八旬老矣行履不斜言語
忠厚一字弗遮觀爾撲誠朕意甚嘉峨嵋崒崒直逼雲
霞明心見性靜守母譚

察永定河

源從自馬邑溜轉入桑乾
渾流推濁浪平野變沙灘
廿載為民害一時奏效難
豈辭宵旰苦須治此河安

巡子牙河建壩

暫別宮槐幸子牙近村處處少人家
清和微暑浮畦麥綠樹初陰接岸沙
隄外草荒艱籽粒淀中水淺捕魚鰕
黃童白叟望霖雨霖雨先施莫自賒

盛夏晚偶成

蟬聲急處秋將近
絲雨過時暑漸微
樹色渺茫憑遠閣
雲峰掩映罩斜暉
西成平野年當稔
煙息關山事不違
披覽牙籤心自得
揮毫乙夜勉羣幾

七夕觀千葉蓮

玉露初分水殿涼
滿池紅白雜芬芳
香飄隨座皆秋色
細月朧朧挂未央

暢春園觀稻時七月十一日也

七月紫芒五里香
近園遺種祝禎祥
炎方塞北皆稱瑞

稼穡天工樂歲穰

詠桐老圖賜裕親王

丹桂秋香飄碧虛青桐迎露葉扶疎願將花萼樓前老
帝子王孫永結廬

為考試歎


人才當義取王道豈紛更放利來多怨徇私有惡聲文
宗濂洛理士仰楷模情若問生前事尚憐死後名

禁園秋霽

樹冷催蟬咽荷疎表影長深秋殘暑氣微爽待高陽戶
外遠塵蹟園中多蕙香溶溶新雨霽吟乏愧成章



聖祖仁皇帝御製文第二集卷五十



總校官庶吉士臣侍朝

校對官檢討臣郭寅

謄錄監生臣劉書

財團法人
佛陀教育基金會
釋淨空
敬贈

